



Njësia Nr./Br./No 01 (Kuvendi i Komunës)

Nr./Br./No 01/228 Nr. i faq./Br.str./No.pg 66

Data/Datum/Date 30.05.2024

Në mbështetje të nenit 12, paragrafi 2, shkronja (d), nenit 17, shkronja (s) dhe nenit 40, paragrafi 40.2 shkronja (h) të Ligjit Nr.03/L-040 për Vetëqeverisje Lokale të Kosovës ("Gazeta zyrtare e Republikës së Kosovës" Nr. 28/2008), dispozitave të Rregullores për dhënien e titujve të nderit, dekoratave dhe çmimeve nga Komuna e Rahovecit, me Nr. Prot. 01, Nr. 327/22, e datës 31.5.2022, nenit 2, nenit 7, paragrafi 3, nenit 10, paragrafi 2, pika 2.4, 40, paragrafi 2, pika 2.7 dhe nenit 57 të Statutit të Komunës së Rahovecit, Nr. 1005, të datës 29.3.2017, Kuvendi i Komunës së Rahovecit, në mbledhjen e mbajtur më datë 30.05.2024, merr këtë:

### V E N D I M

#### Për shpalljen "QYTETAR NDERI" i Komunës së Rahovecit

- Miratohet** propozimi i Kryetarit të Komunës, Nr. 02/4186/24, i datës 08.05.2024 dhe merret vendimi për shpalljen "QYTETAR NDERI" i Komunës së Rahovecit të ish - Kryeministrit të Republikës së Shqipërisë, z. Pandeli Majko, për shkak të kontributit të tij sa ishte kryeministër, në menaxhimin e situatave të vështira që përballej Shqipëria, në mbështetje të luftës së Kosovës, menaxhimin e situatës së rëndë me refugjatët shqiptarë të Kosovës, të dëbuar nga makineria ushtarake e policore serbe, në pranverën e vitit 1999. Roli i z. Pandeli Majko ka qenë shumë domethënës në mbështetje të çështjes kombëtare shqiptare.
- Me rastin e shpalljes, Kryetari i Komunës së Rahovecit, do t'i dorëzojë ish - Kryeministrit të Republikës së Shqipërisë, z. Pandeli Majko, titullin dhe dekoratën "QYTETAR NDERI" i Komunës së Rahovecit dhe do të regjistrohet në regjistrin e bartësve të titullit "Qytetar nderi" i Komunës së Rahovecit.
- Për zbatimin e këtij vendimi do të kujdeset Kryetari i Komunës së Rahovecit.
- Pas miratimit nga ana e Kuvendit të Komunës së Rahovecit, ky vendim hyn në fuqi 15 ditë pas dërgimit në autoritetin mbikëqyrës, në kuptim të nenit 81 të Ligjit Nr. 03/L-040 për Vetëqeverisjen Lokale dhe nenit 8, lidhur me nenin 9 të Rregullores (QRK) Nr. 10/2019 për shqyrtimin administrativ të akteve të komunave, e ndryshuar dhe e plotësuar me Rregulloren (QRK) Nr. 06/2021 dhe 7 ditë pas shpalljes publike në tabelën e shpalljeve ose faqen ueb zyrtare të Komunës.

#### Vendimi u dërgohet:

- Kryetarit të Komunës,
- Shërbimit të Kuvendit,
- MAPL-së dhe
- Arkivit.

KUVENDI I KOMUNËS NË RAHOVEC

01-Nr.228/24  
Më datë:30.05.2024

Arbër Zenuni  
Kryesues i Kuvendit